

VENDIM
Nr.890, datë 12.11.2010

PËR RISHPËRNDARJE FONDESH NË BUXHETIN E VITIT 2010, MIRATUAR PËR
MINISTRINË E MBROJTJES

Në mbështetje të nenit 100 të Kushtetutës, të nenit 44 të ligjit nr.9936, datë 26.6.2008 “Për menaxhimin e sistemit buxhetor në Republikën e Shqipërisë” dhe të nenit 16 të ligjit nr.10 190, datë 26.11.2009 “Për buxhetin e vitit 2010”, të ndryshuar, me propozimin e Ministrit të Mbrojtjes, Këshilli i Ministrave

VENDOSI:

1. Rishpërndarjen e fondeve ndërmjet programeve në buxhetin e vitit 2010, miratuar për Ministrinë e Mbrojtjes, si më poshtë vijon:

a) Në programin “Planifikim, menaxhim dhe administrim” të shtohet fondi 88 000 000 (tetëdhjetë e tetë milionë) lekë, për shpenzimet korente.

b) Në programin “Mbështetje luftimi” të shtohet fondi 25 000 000 (njëzet e pesë milionë) lekë, për shpenzimet korente.

c) Në programin “Mbështetje e përqendruar” të shtohet fondi 11 000 000 (njëmbëdhjetë milionë) lekë, për shpenzimet korente.

ç) Në programin “Bashkëpunimi civilo-ushtarak” të shtohet fondi 32 000 000 (tridhjetë e dy milion) lekë, për shpenzimet korente.

d) Në programin “Mbështetje shëndetësore” të shtohet fondi 15 000 000 (pesëmbëdhjetë milionë) lekë, për shpenzimet korente.

dh) Në programin “Forcat e luftimit” të pakësohet fondi 171 000 000 (njëqind e shtatëdhjetë e një milionë) lekë, në shpenzimet korente.

2. Ngarkohen Ministri i Financave dhe Ministri i Mbrojtjes për zbatimin e këtij vendimi.

Ky vendim hyn në fuqi menjëherë dhe botohet në Fletoren Zyrtare.

KRYEMINISTRI
Sali Berisha